



門 凡 2
號 3109
卷 1

國朝撫綏西藏記上

吐著
去伯特

烏斯藏

同下

附錄

欽定蒙古源流畧

西藏後記

乾隆征廓爾喀記

廓爾喀附記

附錄澳門月報

早 閱 大學 圖書館
號 27.6.16 史
藏 書



他山之石卷一

聖武記摘錄

國朝撫綏西藏記上

邵陽魏源撰



西藏古吐蕃元明為烏斯藏其人則謂之唐古特亦曰土伯特其地分三部曰康即四川打箭爐外巴塘察木多之地為前藏亦曰日衛即布達拉及大招寺本吐蕃建牙之所今達賴居之為中藏布達拉華言曰藏即扎什倫布本拉藏所治今班禪居之為後藏扎什倫布華言曰藏又並極西之阿里則稱四部云北界河源河源上出回部重出於連南界大金沙江雅魯藏布江橫亘于三藏之南即大金江上游也廣闊數倍或云即黑水而西距雪嶺三藏即三危其以怒江為三藏南界者非也

他山之石卷一

凡2
3109
1

藏書閣
上下
藏書閣

他山之石卷一

聖武記摘錄

國朝撫綏西藏記上

邵陽魏源撰



西藏古吐蕃元明為烏斯藏其人則謂之唐古特亦曰土
伯特其地分三部曰康即四川打箭爐外巴塘察木多之
地為前藏亦曰曰衛即布達拉及大招寺本吐蕃建牙之
所今達賴居之為中藏布達拉華言曰藏即扎什倫布本
拉藏所治今班禪居之為後藏扎什倫布華言又並極
西之阿里則稱四部云北界河源河源出回部重出於
連南界大金沙江雅魯藏布江橫亘于三藏之南即大金
江上游之小金沙江廣闊數倍或云即黑水而西距雪嶺
三藏即三危其以怒江為三藏南界者非也

他山之石卷一

早稻田大學圖書館
照 27.6.16 史
藏 書



147

雪嶺為岡底斯山在東西六千餘里南北五千餘里距京
師萬有四千餘里由川陝滇入藏有三路皆先至前藏而
後西至中藏又西至後藏又最西至阿里云在五天竺之
東非古佛國也而距天竺較近阿里南二千餘里入額
訶特珂克境即中印度故
經教至多持陀羅尼尤驗多僧無城郭僧居士臺者皆持
戒律不持戒者居士臺外自唐太宗以文成公主下嫁吐
蕃贊普好佛立寺廟西藏始通於中國元世祖封西番高
僧八思巴為帝師大寶法王以領其地後嗣世襲其號而
西藏始為釋教宗主元史釋老傳八思巴者土番人生七
歲誦經典數十萬言能通大義國人
稱曰神童年十有五謁世祖潛邸即位尊為國師命制蒙
古新字字僅千餘凡四十一母頒行天下今後藏薩迦有
刺麻即元帝師後人為紅教之宗其教
先娶妻生子有後則不入室始登法座明洪武初太祖以

黃教宗祖

西番地曠人悍欲網其勢而分其力故元代法王國師
後人來朝貢者輒因其故俗許其世襲以化獷俗尊中國
水樂初成祖則兼崇其教聞西僧哈立麻有道術國人稱
曰尚師遣使迎至京師為高帝后薦福於靈國寺有卿雲
甘露青鳥白象之祥封大寶法王西天大善自在佛其徒
三人皆封國師其後又封大乘大慈二法王禮之亞于大
寶于是其徒爭來朝貢輻輳京師所封有闡化闡教輔教
護教贊善五王又授西天佛子者二灌頂大國師者九灌
頂國師者十有八法王等死其徒輒自相承襲歲一朝貢
略與土司等嗜茶貪貢市冀保世職故終明世無西番患
然皆紅教非黃教其黃教宗祖則創于宗喀巴一名羅卜
藏札克巴

以永樂十五年生于西寧衛得道于西藏之甘丹寺成化十四年示寂初明代諸法王皆賜紅綺禪衣本印度袈裟舊式也其後紅教專持密呪流弊至以吞刀吐火炫俗無異師巫盡失戒定慧宗旨宗喀巴初習紅教既深觀時弊當改立教即會眾自黃其衣冠遣囑二大弟子世世以呼畢勒罕轉生演大乘教呼畢勒罕者華言化身也二弟子一日達賴刺麻一日班禪刺麻刺麻者華言無上也今俗加口旁曰喇嘛其班禪又稱額爾德尼相傳達賴為觀音分體之光班禪為金剛化身在印度已轉生數十世其說不可得詳皆死而不失其通自不知所往生其弟子輒迎而立之常在輪回本性不昧故達賴班禪易世互相為師其教皆重見性度生斥聲聞小乘及幻術下乘當明中葉已遠出

達賴一世

紅教上未嘗受封于中國中國亦莫之知也達賴一世曰敦根珠巴者即贊普之裔世為番王至是舍位出家亦名羅倫嘉穆錯嗣宗喀巴法傳衣鉢始以法王兼藏王事其二世曰根敦嘉穆錯者自置第巴等代理兵刑賦稅其弟子稱胡土克圖則分掌教化當明正德時始以活佛聞于中國武宗遣中使率將校十人土千人迎之達賴不願行國人匿之將士欲威以兵為番人所敗遁還而武宗崩世宗立果盡斥遣番僧繼又崇道教不信佛人始以達賴之不欲行為有前知焉三世曰鎖南嘉穆錯明史所稱鎖南堅錯也名益著青海河套諸蒙古罔不嚮服順義王俺答躬入藏迎至青海建迎華寺奉之大會諸部飲長生水鎖

二世

三世

南堅錯戒其好殺勸令東還而俺答亦勸其通中國乃自
甘州遣大學士張居正書自稱釋迦牟尼比邱中國始知
有活佛其人實得禪定慈忍淵默雖具他心宿命通而不
自耀于是紅教中大寶大乘諸法王亦皆俯首稱弟子改
從黃教化行諸部東西數萬里熬茶膜拜視若天神諸番
王徒擁虛位不復能施其號令傳全第四世曰雲丹嘉穆
錯生蒙古圖古隆汗族十四歲入藏坐牀二十八歲示寂
故事蹟不著然河套青海蒙古守其戒不敢鈔掠西邊安
枕者五十餘年第五世曰羅卜藏嘉邊錯當我太宗文皇
帝崇德二年喀爾喀三汗奏請發帑使延達賴刺麻四年
因厄魯特使貽達賴書于是達賴在禪及藏巴汗青海固

始汗聞我朝興東土各報使繞塞外數萬里以崇德七年
至盛京奉書及方物約共行善事并獻卦驗知必當一統
明年遣使存問達賴班禪稱爲金剛大士是爲我朝通西
藏之始順治初天下混一達賴班禪及固始汗後各遣使
獻金佛念珠表頌功德詔賚甲冑弓矢皮幣并遣使迓達
賴九年冬至京師世祖賓之于太和殿建西黃寺居之及
行餞之南苑德壽寺授金冊印封西天大善自在佛領天
下釋教普通鄂濟達賴刺麻命和碩親王碩塞以八旗兵
送之初唐占特有四部東曰喀木西曰衛曰藏固
始汗者本厄魯特部于明季吞并東二部以青海地廣令
子孫游牧而喀木輸其賦其徭地則第巴奉達賴居之藏

地則藏巴汗居之第巴曰桑結者與藏巴汗不相能謂拉藏虐部衆毀黃教乞師于固始汗翦滅之以其地居班禪與達賴分主二藏盡逐紅帽花帽諸法王事在崇德十年于是紅教益微并不足爲黃教之細顧第巴桑結實傾險既滅藏巴事多專決吳三桂王雲南歲遣人至藏煎茶康熙十三年三桂反詔青海蒙古兵由松潘入川第巴使達賴上書尼之且代三桂乞降及大兵圍吳世璠于雲南世璠通書西藏割中甸維西二地求援于青海其書亦爲我軍所獲朝廷不之問也二十一年第五世達賴卒第巴欲專國事秘不發喪僞言達賴入定居高閣不見人凡事傳達賴命行之自是益橫既祖準噶爾以殘喀爾喀蒙古後

唆準噶爾以鬪中國又外構策妄內閱拉藏汗遂招準兵寇藏之禍凡西北擾攘數十年皆第巴一人所致噶爾丹者亦四厄魯特之一曾入藏爲刺麻與第巴相暱歸篡其汗自言受達賴封爲準噶爾博碩克圖汗又喀爾喀蒙古自國初以入藏隔于厄魯特乃自奉宗喀巴第三弟子哲卜尊丹巴之後身爲大胡土克圖位與班禪相亞凡數十

年矣至是喀部車臣汗與土謝圖汗交惡構兵聖祖遣使約達賴和解之第巴奏使噶爾丹西勒圖往蒙古謂刺麻坐牀者爲西勒圖蓋達賴大弟子也而喀部哲卜尊丹巴亦奉詔蒞盟壇與西勒圖並坐噶爾丹使其族人隨之觀

釁因責喀部行達賴使無加禮詬責之爲土謝圖汗所殺

噶爾丹遂以報讐爲名，襲侵其部。喀爾喀東走，聖祖申命達賴，遣使罷兵。第巴使濟隆胡土克圖往反陰，噉之。二十九年，遂入寇漠南，我兵敗之。烏闌布通噶爾丹，託濟隆代乞和，頂佛立誓而遁。第巴內慚，乃託達賴意，合青海蒙古及厄魯特各台吉，上尊號。聖祖不受，屢遣京師刺麻入藏，探之，歸言第巴桑結使已遙望禮拜，有刺麻立高樓之上，絳紗之中，香烟繚繞，覲不分明。三年，達賴刺麻入貢，言已年邁，國事決第巴乞錫之封爵，詔封第巴桑結爲上伯特國王。三十五年，聖祖親征噶爾丹，至克魯倫河，噶爾丹敗竄，慰其部下曰：「此行非我意，乃達賴刺麻使言南征大吉，是以深入也。」上謂達賴存必無是事，乃遣使賜第巴

桑結書曰：「朕詢之降番，皆言達賴刺麻脫緇久矣。爾至今匿不奏聞，且達賴刺麻存日，塞外無事者六十餘年。爾乃屢唆噶爾丹興戎，樂禍道法安在？達賴班禪分主教化，向來相代持世，達賴如果厭世，當告諸護法王，以班禪王宗喀巴之教，乃使衆不尊班禪而尊已，又阻班禪進京之行。朕欲和解喀準兩部，爾乃使有虧行之濟隆以往，烏闌希通之役，爲賊軍卜日誦經，張益山上，觀戰勝則獻帕，不勝又代爲講教，以誤我追師。爾祖庇喀爾丹之由，今爲殄滅，準夷告捷，禮以噶爾丹佩刀一，及其妻阿奴之佛像一，佩符一，遣使賚往。可令與達賴相見，令班禪來京，執濟隆以畀我。如其不然，朕且檄雲南四川陝西之師，見汝城下。」

汝其糾合四厄魯特之人以待其母悔第巴桑結皇恐明年密奏言為衆生不幸第五世達賴刺麻于壬戌年示寂轉生靜體今十五歲矣前恐唐古特民人生變故未發喪今當以丑年十月二十五日出定坐牀求大皇帝勿宣泄西藏不紀天干惟以地支所屬紀年亦以十二月為一歲以寅為正月仍有閏月但與中國閏不同如雍正十年千子閏五月其地閏正月雍正十三年乙卯閏四月其地于甲寅年閏七月更有閏日而無小建假如閏初二則初一日後即初三日無初二矣每月必有初一十五至班禪因三十而閏日則但于其中間摘去一二日耳未出痘不敢至京濟隆富竭力致之京師乞全其身命戒體並封進達賴臨終牀簀尸鹽拌像上許為秘之待十月宣示內外而第巴使者歸途遇策妄那布坦會噶爾丹之兵復宣言達賴已厭世爾部落兵毋得妄行策妄哭而

歸上以第巴始終反覆持兩端乃追還其使傳集各蒙古宣示密封則像首已墮第巴使驚仆于地第巴忌策妄盡收準部故地致噶爾丹無所歸奏防其猖獗而策妄亦奏第巴奸譎及所立新達賴之偽欲藉詞侵藏上以二人皆難測不之許也策妄疏曰藏中舊例以能掌教者傳之掌如是達賴圓寂之後第巴匿之不宜舍正傳之聖徒班禪而自尊其身別奉紅教刺麻謂即達賴化身詐傳法旨擾亂諸部此青海諸台吉所共知請明正其罪云云案四十四年第巴謀毒拉藏汗不遂欲以兵逐之拉藏汗集衆討誅第巴詔封拉藏翊法恭順汗拉藏汗者青海固始汗之孫也固始汗既以衛藏為達賴班禪香火地留其長子鄂齊爾汗轄其衆次于達賚巴圖爾台吉佐之固始汗卒于

順治十三年鄂齊爾汗卒于康熙九年達賚汗卒于三十
六年拉藏汗嗣爵後以議立新達賴刺麻故與第巴交惡
至是奏廢第巴所立假達賴詔執獻京師行至青海病死
即方畧所云策妄那布坦遣使爭迎之而拉藏不遣者也而藏中所立博克達山之伊
西嘉穆錯為第六世達賴刺麻者青海諸蒙古復不信之
而別奉裏塘之噶爾藏嘉穆錯為真達賴以康熙四十七
年轉生二歲著靈異至是十歲矣諸蒙古迎至青海坐牀
請賜冊印與藏中所奏互相是非上恐其構釁詔暫居西
寧紅山寺旋移塔爾寺塔爾寺者西寧衛城西南四十里
之塔山宗喀巴瘞胞衣地黃教祖寺也青海周數百里十
三峯環遶之海中有二島人迹不至即唐時所謂龍駒島番僧習禪

定皆于水合時裹一歲糧休焉往往出異僧故青海佛法
與西藏相亞兩部爭議未決而策妄擾藏之事起初策妄
那布坦取拉藏之姊而贅其子丹衷于伊犁不令歸上以
厄魯特狙詐救拉藏母恃親疏防藏奄而醜飲不以為意
布達拉西北三百里有騰格里海蒙古語謂天曰騰格里猶言天河也蒙古謂池泊瀟子皆曰淖爾或以作賴爾或作那爾或作諾爾或作腦爾皆海子之謂西接後藏周數千里
其北岸大山橫亘為準夷入藏必由之路有鐵索橋天險
一夫拒隘萬眾趑趄更無旁徑拉藏亦不之守也五十五
年十月策妄果遣台吉大策零敦多布領精兵六千徒步
繞戈壁逾和闐南大雪山涉險冒瘴晝伏夜行次年七月
始達藏界以送丹衷夫婦歸藏為名由騰格里突入敗唐

古特兵遂圍攻布達拉，誘其衆內應，開門執殺拉藏汗，虜其妻子，搜各廟車器，送伊犁，禁新達賴刺麻于札克布里。廟詔西安將軍額倫特以軍數千赴援，而侍衛色稜宣諭青海蒙古備兵。七月，師逾木魯河，蒙古曰木魯烏蘇，華語曰通天河，乃西寧西藏之界也。色稜軍拜都嶺，額倫特軍出庫賽嶺，賊佯敗，屢却而精兵伏喀喇河以待。額倫特率所部疾趨，欲先渡河，扼狼拉嶺之嶮，比至喀喇河，兩軍皆會。賊脅從番衆數萬，以其半據河，拒我前，而分兵潛出我後，截餉道，相持月餘，糧盡矢竭。九月，我師覆焉，賊氛益熾。青海蒙古皆憚進藏，奏言達賴刺麻可隨地安禪，免王師遠涉之勞。而王大臣懲前敗，亦皆言藏地險遠，不決進兵。議上，以西藏屏蔽青海，滇

蜀苟準夷盜據，將邊無寧日。且賊能衝雪絕險而至，何況我軍。五十七年，命皇十四子爲撫遠大將軍，屯青海之木魯河，治兵饗將軍傅爾丹、富寧安，分出巴里坤、阿爾台，以獵其北。而將軍噶爾弼出四川，將軍延信出青海，兩路擣藏。至是，西藏諸土伯特亦知青海呼畢勒罕之真，藏中所舊立之贖，合詞請于朝，乞擁置禪榻，詔許給冊印。于是蒙古汗王貝勒台吉各自率所部兵，或數千或數百，于五十九年春，隨大兵扈從達賴刺麻入藏，軍容甚盛，策零敦多布、山中、路自拒青海軍，而分遣其宰桑以兵三千六百，拒南路。南路將軍噶爾弼招撫巴塘、裏塘番衆，進至察木多，奪洛隆宗三巴橋之險，旋奉大將軍檄，俟期並進。噶爾弼

恐期久糧匱用副將岳鍾琪以番攻番之計即招土司為前驅集皮船渡河直趨西藏降番兵七千分兵塞險扼賊饑道而青海軍亦三敗其中途劫營之賊斬俘千計厄魯特進退受敵遂大潰不敢歸藏即由舊路北竄崎嶇凍餒得還伊犁者不及半詔加封宏法覺衆第六世達賴刺麻于九月登座取拉藏所立博克達賴刺麻歸京師盡誅厄魯特刺麻之助逆者留蒙古兵二千以拉藏舊臣貝子康濟爾掌前藏台吉頗羅鼐掌後藏御製平定西藏碑文勒石大招寺蓋自第五世達賴卒後三十餘年兩立假刺麻西陲倣優至是始定焉論者謂達摩創法震旦有一花五葉之謔至六世果以衣鉢啟爭故六祖不復傳衣鉢與宗

喀巴至第六世達賴之事若一轍物盛難繼始必有終天數所極佛法不能違而况人事歟

松筠綬服紀畧曰紅教刺麻最尊者為薩迦呼土克圖即元帝師帕斯巴刺麻之後也在扎什倫布之西宗喀巴初年亦學經於薩迦廟本出一源及學成乃自立宗余巡遊見薩迦呼土克圖有妻室僅朔望相見餘時不往來祖為薩迦衣鉢計其經典皆來自大西天大西天有巴特瑪薩木巴瓦者唐時到藏傳教為紅教之祖乾隆五十四年駐藏大臣舒濂會覆奏薩迦本同黃教情形余詢之達賴班禪兩利府及濟隴第穆等皆同此說故青海蒙古及巴塘裏塘番衆凡崇信黃教者亦皆敬薩迦如達賴班禪蓋紅黃二教本同其近日邪術之紅教乃紅教之末失非薩迦廟之本宗也其與黃教異者一則衣冠異色二則咒語稍別三則傳子與轉生不同如斯而已又言康熙中喀部為準部所攻破集衆議投鄂達斯與投中國孰利存卜尊丹巴刺麻曰鄂羅斯持教衣冠俱不同必以我為異類宜投中國與黃教之地遂定計東向故馭外夷必因其習尚以決人心之去就

國朝撫綏西藏記下

駐藏大臣何昉、昉于雍正之初而定于乾隆之中葉初
雍正元年哲卜尊丹巴胡土克圖自喀爾喀部來朝卒于
京師年九十矣上親臨奠賜名號冊印如達賴班禪之例
遣使護其喪歸庫倫其後五年喀爾喀奏胡土克圖呼畢
勒罕轉生于庫倫詔賜金十萬造寺以綏喀爾喀之衆又
爲駐京之章嘉胡土克圖後身造寺于多倫泊以綏内蒙
古之衆章嘉者上在雍邸時所從咨佛法者也方是時世
宗憲皇帝天縱神悟夙覺大乘優禮高僧方將以君師
宏法教普利羣生而二年即有青海刺麻助羅卜藏
丹津之叛其青海諸寺刺麻衆各數千羣起騷動甚至以

察罕諾們汗大刺麻亦黨賊拒戰王師討平之上謂玷辱
宗門莫斯爲甚乃收各寺明國師禪師印并定制廟舍毋
逾二百楹衆毋逾三百人冬藏中噶布倫等三人忌貝子
康濟弼之權聚兵害之欲投準噶爾詔將軍查郎阿率川
陝滇兵萬有五千進討未至而台吉羅鼐率後藏及阿
里兵九千截賊去路禽首逆詔以頗羅鼐爲貝子總藏事
賜犒兵銀二萬兩留大臣正副二人領川陝兵二千分駐
前後藏鎮撫之是爲大臣駐藏之始是年準噶爾策妄死
子策楞立請赴藏煎茶又聲言欲送還所虜拉藏汗二子
詔嚴兵備之乃收前藏東西之巴塘裏塘歸四川設官撫
土司治之其中甸維西隸雲南設二廳治之惟察木多以

外各土司乃隸西藏移達賴刺麻于西裏塘之惠遠廟以
避准噶爾惠遠廟在准噶爾八年遷于泰寧護以兵千每年夏初
西藏官兵赴防北路騰格里海之隘以備准夷冬雪封山
徹兵蓋從准入藏之路有三其極西由葉爾羌至阿里中
隔大山迂遠易預備其東路之喀喇河又有青海蒙古隔
之惟中路之騰格里海逼近衛地故防守尤要十二年准
噶爾請和詔果親王偕章嘉胡土克圖赴川送達賴由泰
寧歸藏減戍藏兵四之三其哲卜尊丹巴十九年移多倫
泊以避准噶爾者至是亦返庫倫章嘉爲達賴刺麻請巴
塘裏塘地還前藏以其爲達賴所降生諸土司建寺安禪
制最宏麗也詔以其商稅賜之地仍內屬乾隆三年噶爾

丹策楞復請入藏煎茶始許之時貝子頗羅鼐懲前敗訓
練萬騎又練步兵萬有五千于通准夷各路嚴設卡倫噶
爾丹自是不敢窺藏而西南之巴勒布三部及布魯克部
相繼嚮風入貢藏地教謐詔晉頗羅鼐郡王至乾隆十五
年而有朱爾墨特之變朱爾墨特者頗羅鼐之子也于十
二年襲封郡王以駐藏大臣不便于已先奏罷駐防之兵
陰通書准噶爾請兵爲外應旋襲殺其兄揚言准部兵至
聚黨二千謀變駐藏都統傅清左都御史拉布敦覺其逆
芽欲先發而左右無一兵乃以計誘至寺中登樓手刃之
旋害于賊黨時第五世班禪已卒乾隆四年達賴刺麻使番
部公爵班替達攝藏事禽逆黨以聞我將軍策楞班第至

藏詔以二臣先事靖變贈一等伯即以其地立饜忠之祠永禁唐古特及準夷往來之使至是西藏始不封汗王貝子以四噶布倫分其權而總于達賴刺麻我駐藏大臣增兵千有五百戍藏其國事猶不盡預聞也二十二年蕩平伊犁藏地始永無準夷患是年第六世達賴刺麻亦卒初厄魯特世濟其凶亦名扶黃教自固始汗即以此據備藏雄諸部及噶爾丹白藏歸稱受博碩克圖汗之封于達賴策妄拉布坦破藏歸復稱受寶權大慶王之封于偽達賴皆鑄鐵章梵文以賜于是立固爾札廟于伊犁河北立海努克廟于河南取所掠藏中供器實之飯厄魯特刺麻六千餘供養以九集賽萬六百戶其大刺麻坐牀者四人曰

西勒圖其誦經室曰都綱旃利螺唄幾埒西藏大疑大計皆就決焉第妄及噶爾丹及那木札爾三世嗣位皆請赴藏熬茶諷經每次費二十餘萬朝廷亦賜茶葉香帕以助其施達爾札達瓦齊之得立及與阿睦爾撒納之構釁皆伊犁刺麻爲之阿睦爾撒納從王師定伊犁即使人赴藏熬茶祝已得總四部時當振興黃教又使固爾札廟刺麻請將軍必使已至伊犁迨叛後上疏猶以各大臣踞高坐見刺麻激變爲詞敗則劫奪刺麻馬駝以遁故御撰平定準部碑云其口奉佛其心如夜叉羅刹之食人其所奉刺麻亦類以搖殺爲佛事與青海一轍王師再至伊犁遙望火光燭天則固爾札廟災刺麻皆焦土與崇奉刺麻之

敦酋同歸一劫亦黃教一大變局也至是詔仿固爾札廟式立安遠廟于熱河選置高行刺麻以綏四衛拉來歸之衆時哲卜尊丹巴胡土克圖于喀爾喀郡王青衮雜布謀叛時先集各部落王公宜諭利害毋為賊煽詔加封敷教安衆大刺麻四十五年高宗七旬萬壽第六世班禪來朝祝釐詔仿後藏札什倫布式建須彌福壽之廟于熱河班禪第一世日凱珠布格培克巴勒藏二世三世無考班禪自崇德中同達賴通貢順治初以年老未隨達賴入覲者皆其第四世羅卜藏垂吉嘉穆錯也第五世日羅卜藏伊什于乾隆二年示寂第六世日羅卜藏巴丹伊什于乾隆六年登坐至是年四十有二矣七月班禪至接見于避暑山莊之澹泊誠敬殿初上

習蒙古語及平回部金川即習回語西番語茲因班禪來覲復習唐古特語故重譯朝見告語如一家舊以達賴班禪有高行人覲惟跪不拜至是班禪固請拜上嘉其恪誠從之至京接見于南苑德壽寺仍居西黃寺講經放參皆世祖禮達賴處也京師四山有僧某者往論佛法責以宜居西番清淨式衆不宜入中國過受崇奉班禪謝之十一月以痘終京師詔即其地建清淨化域明年春舍利金龕西歸駕幸西黃寺拈香送之而留其高弟子羅卜藏敦珠布者領班第二十八人住持札什倫布廟傳授後藏經律選內地刺麻百八十人習焉是年遣使賚冊印封第七世達賴刺麻時年二十二歲尚未受封至是班禪卒乃封達賴

以綏唐古特之衆初前後藏地近岷嶺寒確不宜五穀惟青稞豆麥牛羊不贍于食且僧多于百姓故仰中國之茶布與蒙古諸番之布施及班禪入覲朝廷所錫資在京各王公及草地各番蒙所供養其徒擁之歸者無慮數十萬金而寶冠瓔珞念珠晶玉之鉢鏤金之袈裟旃檀華幡磁茗采帛珍瓊不可勝計仲巴呼圖者班禪刺麻之兄也爲班禪治商上事遂盡有其財雖其弟舍瑪爾巴亦以習紅教不得分惠又衛藏數千里番騎萬有四千番步兵五萬皆達賴所轄班禪惟住持寺廟不轄地故于達賴所屬之戴喇諦巴等及守後藏之唐古特兵皆外視之一無施予于是舍瑪爾巴垂涎不遂憤唆廓爾喀引之入寇時達賴

刺麻年少不知調度唐古特兵扼險要我駐藏大臣巴忠鄂輝成德等復調停賄和不敢戰于是廓爾喀無忌飽颺而去五十六年復深入福康安海蘭察大舉討平之語具別記留七番兵三千漢蒙古兵千戍藏自是駐藏二大臣行事儀注始與達賴班禪平等其四噶布倫及番目缺均大臣與達賴會同選授定商上刺麻銀錢出入之額與春秋巡查鄂博之制于是事權始歸一自唐以來未有以郡縣治衛藏如今日者其惑衆倡逃之刺麻濟仲等剝黃伏法仲巴禽至京師治罪而紅教之沙瑪爾巴亦檄賊獻其尸自元明以來未有以齊民治番僧如今日者初達賴刺麻之呼畢勒罕一世二世出後藏三世出前藏四世出蒙

古五世出前藏六世出裏塘皆非一地一族班禪及各大
 呼圖克圖亦然至乾隆末而各大刺麻類多兄弟叔姪且
 多出蒙古江王貝勒子象甚至哲卜尊丹巴示寂逆土舍
 圖汗之福晋有妊衆即指爲呼畢勒罕及彌月竟生一女
 尤貽口實漸損蒙古之敬信蓋宗喀巴經言達賴班禪六
 世後不復再來故後此登座者無後真觀密諦祇憑垂仲
 降神指示垂仲者猶內地之師巫也又達賴班禪親族多
 營爲大胡土克圖以專財利致有仲巴兄弟誨盜之禍上
 久悉其弊欲革之而未有會也乘用兵之後特運神斷創
 頒金奔巴瓶一供于中藏之大招寺遇有呼畢勒罕出世
 互報差異者納籤瓶中誦經降神大臣會同達賴班禪于

宗喀巴前掣之而各札薩克蒙古所奉之胡圖克圖其呼
 畢勒罕將出世亦報名理藩院與住京之章嘉胡圖克圖
 掣之瓶供雍和宮尤元明以來所未有章嘉胡圖克圖者
 其先于康熙中自藏來朝乃第五輩達賴之大弟子也聖
 祖優禮之命住持蒙古多倫泊之彙宗寺章嘉通宗乘爲
 世宗藩邸時所敬逮其第二世呼畢勒罕轉生于多倫泊
 詔造善因寺居之高宗朝奉詔求京師審定大藏經呪奏
 言其國五百年前有狼達爾瑪汗者波法毀教其後諸高
 僧補綴未全首榜嚴經已佚借此土本四譯而歸又佐莊
 親王修同文韻統于四十一年跌逝京師是爲黃教第四
 支與哲卜尊丹巴一支皆住持蒙古亞于達賴班禪二支

而藏中之紅帽十三支黑帽數小支則不暇詳述云凡駐
麻于雍和宮中正殿養心殿圓明園香山昭廟及各寺
所誦之經有吉祥天母經大游戲經龍王水經刺麻供獻
佛壇長壽佛壇城經尊勝佛母壇城經大怖畏壇城經釋迦
樂王佛經十六羅漢經救度佛母經財寶天王經秘密經
毘盧佛壇城其作法有日跳布札有日放鳥上藏多與
中國僧綜計刺麻之能以神識轉生于世出呼畢勒罕入
埋潘院冊者西藏號呼圖克圖者十有八號沙布隆者十
有二漠北蒙古十有九漠南蒙古五十有七青海番地三
十有五四川察木多番地五又駐京呼圖克圖十有四共
呼畢勒罕百有六十惟青海諾們汗一支久同世襲許以
親族入籤又嘉慶十三年第八世達賴刺麻之呼畢勒罕
靈徵衆著由駐藏大臣奏聞請旨不復瓶掣是二者為破

格凡刺麻朝貢除達賴班禪哲卜尊丹巴三人歲遣貢使
不列年班外其餘大刺麻駐漠南北蒙古各部者班六每
歲一至岷州刺麻班四三歲一至其駐京刺麻或在京掌
教或赴藏辦事或分駐盛京熱河多倫泊五臺山或派往
伊犁及四川之懋功寺分闡黃教三歲而更代
臣源曰佛法出五印度更在烏斯藏西逾蔥嶺越廓爾喀
其水為恒河西南流入海今通互市之南洋孟買孟加獵
等國即南印度其海名印度海者是也烏斯藏則在蔥嶺
之東水皆東流故唐以前羅什元裝譯經皆從涼州西出
陽關玉門達摩諸高僧又至自南海皆不經藏地西藏誠
非古佛國而自元明以來佛教則衛藏為盛其始不過內

受冊封師弟相嗣至宗喀巴崛起不藉中朝封號而覺出諸大法王上兼以修風命通化身轉世為神奇西北諸行國常視為嚮背中國常用為銜勒亦佛法因緣有時會興廢非人力歟夫大雄涅槃不聞轉世即宗喀巴經亦言達賴班禪轉生止于六世自後不復再來今之黃教非昔之黃教尤非古之釋教宜若可以已焉然葱嶺以東惟回部諸城郭國自為教外其土伯特四部青海二十九旗厄魯特汗王各旗喀爾喀八十二旗蒙古游牧五十九旗滇蜀邊番數十土司皆黃教使無世世轉生之呼畢勒罕以鎮服僧俗則數百萬眾必互相雄長狼性野心且決驟而不可制南北朝時西域數十國迎法師求舍利動至兵

爭為部落安危所係蓋邊方好殺而佛戒殺且神異能降服其心此非堯舜周孔之教所能馴也高宗神聖百族稟命詔達賴班禪兩汗僧當世世永生西上維持教化故衛藏安而西北之邊境安黃教服而準蒙之番民皆服傳曰修其教不異其俗民可由不可使知蓋至金奔巴瓶之頒而大聖人神道設教變通宜民者如山如海高深莫測矣天章丁寧申諭比于吏部之為籤部視元代尊奉帝師干紀妨政者曷可復道里計曼殊師利之尊稱豈偶然哉達賴進表稱曼殊師利大皇帝蓋曼殊音同滿珠即滿洲轉音也

附錄

欽定蒙古源流八卷今節錄其略曰蒙古者土伯特國

之分支土伯特又額納特珂克之分支也額納特珂克國卽中印度距釋迦牟尼佛涅槃之戊子歲千有八百二十一年有烏廸雅納汗者爲鄰國所敗棄印度東走雪山至雅爾隆贊塘遂爲雅爾隆氏至其季子生有異表衆戴爲汗由此勝四方而爲八十八萬土伯特國王是爲尼雅特博汗歷傳七汗而爲奸臣隆納木所篡半載復爲舊臣恢復迎前汗之子立之復歷七傳至多里隆贊是爲衍慶七汗距佛涅槃之戊子年二千四百八十一年矣得百拜懺悔經多寶經及金塔寶匣敬謹供養禪教遂興復歷七傳謂之妙音七汗距前佛涅槃戊子年二千七百五十年矣第七汗之子曰持勒德楚隆

贊年十六歲卽汗位遣其十六臣至額納特阿克國中傳音韻之學互證土伯特之三十字母合入四聲于原三十四字內刪去十一字以其餘二十三字與土伯特始創之六字並原阿字定爲三十字母各分音韻將禪經百拜懺悔經三寶雲經俱譌譯成文修政治制刑法屏十惡行十善旣而娶巴布勒國王之女又婚唐太宗之文成公主各賚經卷佛像來至土伯特國于是令中印度之桑吉刺必滿師巴勒布國之錫拉滿祖師鄂斯達師及唐僧瑪哈德幹師等緝譯宣布歲次戊戌年八十二歲沒歷四傳至元孫持蘇隴德燦取唐肅宗女金城公主迎請中印度之堪布博廸薩都師及巴持瑪師

一廣建法輪一制伏妖魅其廟宇佛殿下層省土伯特中層省唐地上層省中印度中供三世佛四山四隅象四大部洲八小部洲會萃驅魔之呪日月之象得力四大覺路及八瑪哈嚕拉之大廟四大浮圖并光明塔共三十廟宇環以金輪自汗年二十二歲興工至三十四歲始成于是招集法衆向高行巴特瑪師練習秘呪受諸法要及七百二十佛之灌頂又選土伯特童子學譯印度語言文字汗在位五十七年壽六十九歲没于穆廸贊博立與唐懿宗及印度之達爾瑪巴拉汗同時年五十四歲歿距前佛涅槃戊子年二千九百九十九年矣子達爾瑪特松即位擊敗唐兵建造千廟復補翻從

前未譯之經卷按盈髮之數各繫一哈達每哈達各坐一僧供奉敷揚年三十六歲卒自丁未肇興法教至此辛酉歷四百九十五年汗卒無子其兄朗達爾瑪汗嗣立其前世爲象曾設惡願遂將三乘三藏經教僧衆全行毀滅年六十三歲爲下所殺至其再傳孫巴勒科爾贊復興佛法年三十一歲没子札實則克巴推廣禪教召回前汗滅法時逃出高僧兼遣子弟大臣二十五人住中印度延請高行善知識至土伯特將經藏秘呪盡行翻寫距戊子涅槃歲三千一百二十三年也其子隴吉即汗位復請得昭阿通沙師再翻經教此土伯特汗興教源流也蒙古亦土伯特裔之分支當尼雅特贊博

七世孫爲隆納木所篡時其季子布爾特齊諾逃至恭
博地方往渡騰吉斯海東至拜噶勒江遇必塔地方人
衆詢知爲額納特珂克之裔土伯特汗之子遂羣戴爲
君十二傳至多幹索和爾多博墨牛根兄弟俱爲厄魯
特巴噶圖珂和特奇喇古特四姓之衛拉特多幹索和
爾生七子其季勃端察爾始居鄂諾江招服鄂郭爾察
克部落七傳至哈布勒汗哈布勒汗三傳生鐵木真是
爲元太祖青吉斯汗暨三弟哈薩爾哈濟錦諤楚肯并
爲蒙古各部之祖青吉斯汗年三十三歲起兵伐金三
十五歲進兵托克摩克斬蕭古里蘇勒德汗三十七歲
破克里葉特之翁汗三十九歲破奈曼之圖們汗四十

一歲破郭爾羅斯之納琳汗四十三歲破哈爾里因特
之阿爾薩蘭汗四十五歲用兵土伯特之古魯格多爾
濟汗其汗遣使獻駝隻輜重無算青吉斯汗因致書于
薩嘉察克羅乍幹阿難達噶爾貝刺麻遙申歸禮由是
收服阿里三部屬八十萬土伯特人衆遂進和額納特
阿克直抵齊塔納凌嶺之山脊遇一獨角獸名曰塞魯
奔至汗前屈其膝而叩汗曰彼額納特珂克乃古昔佛
菩薩大聖降生之地今此奇獸至前殆上天示意遂振
旅而還遣使諭薩爾塔克沁之譜巴海汗不從四十七
歲攻譜巴海汗波之于是青吉斯汗曰承上帝之命駕
馭天下十二強汗平定諸惡劣小汗今當養身息心安

居十有九年惟唐古特人衆未服丁亥歲遂攻錫都爾
固汗圍其城食其汗收其哈屯遂病終旋于阿勒台山
陰哈岱山陽之大鄂特地方建陵寢立白室八間號爲
索多博克達大兀青吉斯汗所生四子令長子察干岱
于俄羅斯地方卽汗位次子珠齊于托克瑪克地方卽
汗位三子鄂德格依留守汗位幼子拖雷守產早沒鄂
德格依年四十七歲沒子庫裕克汗立有在位六月卒次
子庫騰汗立因龍崇侵魔患病延請西方帕克巴刺密
特刺麻此刺麻者生距涅槃戊子三千三百七十五年
年二十七歲符額納特阿克與左道六師異端辨難窮
其詞獲班第達之號而歸其叔父亦有道高僧先謂之

曰日後有東方蒙古國庫騰汗遣使請汝汝必往行當
于彼處大興佛教因示卦驗至是六十三歲起程六十
六歲至蒙古國與汗灌頂病立愈遂興禪教刺麻年七
十歲圓寂其歲汗亦同沒其拖雷汗之長子嗣立在位
八年年四十六歲卒次子忽必烈汗立即元世祖年四
十六歲卽位夏居上都冬居大都平定四大國其時帕
克巴刺密特之姪瑪廸都斡咱繼刺麻位傳經持受灌
頂之時則刺麻坐于牀上汗坐于下辨理政事時則汗
與刺麻俱坐于牀上與汗講功德喜金剛根本經汗大
敬服汗在位三十六年享年八十二歲自是凡歷數傳
每汗各奉一帝師至托歡鐵木爾汗嗣立是爲元順帝

汗聽讒殺脫脫太師占夢于阿難達瑪第刺麻刺麻以
災異凶兆告之汗怒不悅刺麻遂辭歸唐古特入元汗
遂由古北口出亡作歌悔泣距青吉斯汗降生壬午歲
凡二百零七年距青吉斯汗即位戊申凡百有八十年
傳位共十五汗四方大亂各處轉戰蒙古古四十萬衆
惟脫出六萬聚集于克魯倫河起造巴爾斯和坦城分
所部爲左右翼每翼三萬人年五十三歲歿屢傳至達
延汗太祖之十五世孫也其時插漢小王子已徙漠南
而達延汗留漠北用兵破平部落收左右翼三萬人之
衆于祖汗之八白室前即位稱汗號八白室元太祖廟
也在位七十四年年八十歲歿其季子生七孫爲喀爾

喀七博羅特汗其十一子爲漠南九部汗其九部汗內
有巴爾斯博羅特子七人長子衮必里克墨爾招據鄂
爾多斯部爲其祖汗守八白室之人領右翼三萬衆次
子阿勒坦汗即俺答據十二土默特部而居領左翼三
萬衆尤強于諸部阿勒坦汗年四十七歲用兵并瓦刺
四部六十六歲侵掠中國于是大明隆慶汗給封號金
印講和六十八歲歲次癸酉用兵土伯特地方收服阿
木多喀木等部落于是阿里克刺麻爲汗嗔說大有利
益分別取舍等經解脫三惡緣及來世罪孽汗遂崇志
經典始念六字心咒其姪鄂爾多斯部博碩克圖濟農
年二十七歲往見其叔阿勒坦汗諫曰前世失陷城池

因與中國之人結仇以致出亡失絕今汗壽已高漸至
于老事之有益今生及來世者惟在經教今聞西方純
雪地方大慈大悲觀世音菩薩出現祈遣使請來依從
前神祖忽必烈汗與帕克刺巴刺麻設立道教豈非盛
事乎阿勒坦然之遂與右翼三萬人和好遣使聖識一
切之索落木札木蘇胡大克圖使人未至其聖識刺麻
靜坐微笑曰阿勒坦汗前世已經善緣我今必往于是
左翼蒙古三萬人議于青海之察卜齊勒雅地方修造
廟宇秘道八百人往迎次遣千人往迎再遣三千人往
迎四次汗自領萬人迎于察布哈勒廟每次獻幣帛諸
寶駝馬無算刺麻為各言其前世三生善緣于是諸台

古奏言前世青吉斯汗之孫庫騰汗與忽必烈汗以道
教使天下太平今值屢世爭鬪之餘但值聖刺麻與大
力汗二人相遇伏願自今將湧血之大江變為溢乳之
淨海普徧大眾無有窮極是時漢番土伯特蒙古等十
萬餘人無不贊歎希有從前蒙古人死後多宰駝馬殉
葬為行糧自此改按八節持戒誦經每月治齋三日禁
殺牲漁獵創立十善福政尊以聖識一切瓦齊爾達賴
刺麻之號刺麻亦贈汗台吉等以經教護法之號阿勒
坦許于歸化城立廟以八寶莊嚴佛像博碩克圖汗許
將一百八箇甘珠爾經用寶石金銀裝修達賴刺麻亦
許于尼濟水塔拉地造彌勒佛像使其徒胡土克圖先

在廟中入馬明王定土神獻珍寶助工既而刺麻親至
天散花雨又收服雷擊刺麻之術上引入菩提昏大明
隆慶汗在位時事也及阿勒坦汗與徹辰洪台吉相繼
歿各部復迎聖識達賴刺麻至鄂爾多斯地坐禪三月
又至土默特之地焚化阿勒坦汗骨殖復往各部落宣
講經教于是察哈爾之圖門汗與大明萬曆汗各遣使
敦請往宣法教聖刺麻曰二大國汗之請非爲己身實
爲衆生扶持佛教欲往之心非不甚切但凡物之生有
始必有終今將他往以施利濟遂于使者前入定坐化
茶毗獲舍利無算生于壬寅距佛涅槃戊子年三千六
百七十五年卒于戊子年三月二十六日年四十七歲

其呼必勒罕托生于圖古隆汗福晉之身以乙丑歲降
生是爲第四世刺麻年十四歲土伯特遣使迎往從聖
識一切班禪額爾德尼出家受格隆戒號爲聖識切蘊
舟札木索賴刺麻由是土伯特之胡圖克圖等議以蒙
古地方竟無掌教坐牀之刺麻乃公擇大慈津巴札木
蘇之呼必勒罕往坐牀于蒙古遂稱爲大慈邁達甲胡
土克圖衆尊以大慈諾們汗之號并上博碩克圖濟農
流爲轉金輪徹辰濟農汗濟農汗年五十九歲錄完全
字甘珠爾經又發願前往西藏宗喀巴之肆納囊蘇處
敦請丹珠爾經至歲次甲子年六十歲歿此達賴刺麻
外別出住持蒙古之諸們汗一支也又博克達班禪一

支乃曩昔大乘聲聞之羅漢傳授金剛經在額納特珂
 克地方生生世世闡揚正法并去異端遂獲金剛不壞
 法身今化為圖伯特班禪額爾德尼歲次乙未蒙古十
 默特等汗行兵圖伯特收服藏巴汗十萬大兵時班禪
 正在札什倫布廟坐禪忽然心動遂乘號諾爾布旺之
 馬倏至兩軍之間大衆駭異其前知三世之巴特瑪三
 博幹能知未來經有云五百年後濟能特河界搆兵之
 際當有惻隱菩薩于札克博里山救十萬人之命于是
 大衆得聞金剛灌頂秘密之教無不如願又歲次丙辰
 第四世達賴喇嘛溫丹札木素年二十八歲圓寂歲次
 丁巳在薩斯嘉達克博地方轉生班禪知之告以五歲

前請至廟內則于壽命有礙至六歲令弟子等將托音
 衣服往迎其孺子即起坐問訊與班禪論經卷與妙大
 衆無不駭異即請至布賚綳廟落髮入學肄業了無滯
 礙班禪云今世德業必造其極矣遂命為第五世羅卜
 藏札木蘇既而滿洲汗初以知勇收服衆
 庶招降三江之珠爾齊特取恩克察罕珠爾齊特精大
 師之統其後午年取大明汗之東省樂亭府郡天現明
 星昭示祥瑞鄂爾多斯之幹齊爾圖邁灌頂天王固實
 曰此汗係有大福之人此星係大力汗
 之威力星由是觀之非常人也于是遐爾蒙古俱稱為
 大力巴圖魯汗其林丹汗庫圖克圖帶

領右翼三萬人聯絡科爾沁之衆諾延等遂稱為徹辰汗其後運去其妻子于鄂爾多斯游牧之托賚地方被獲因取蒙古汗之統已丑歲年四十四歲遂尊為和爾摩斯達額爾德木圖博克達徹辰汗年四十六歲破明錦州而回是時博克達班禪額爾德尼能識一切達賴刺麻備書印餽儀差胡克克圖前往東方和爾摩斯達額爾德穆圖博克達徹辰汗處致書並將從前卦驗呈閱汗延入盛京尊胡大克圖為巴克什刺麻講經論法贖施無算并寄密諭言將往取大明汗都城俟世事理竣再迎博克達刺麻二人相見癸未歲享年五十二歲升遐諸王遵奉遺敕以兵入關代明統緒

迎順治三汗年七歲坐大明汗之金牀統南方八十八萬漢人西方阿木多喀木二十六部落圖伯特北方四萬衛拉特東方三萬高麗中原四省滿珠六萬蒙古歲次辛卯年十四歲遣使迎請二博克達刺麻時班禪以年老未至惟第五世達賴前來大興佛教安生靈緣庫圖克台徹辰洪台吉之裔小徹辰薩囊台吉願知一切乃將汗等源流約畧敘述并将沙爾巴胡土克圖所纂蓬花漢史雜噶幹爾第汗所編經卷源委古昔蒙古汗等源流大黃冊等七史合訂自乙丑九宮值年八宮翼火蛇當值之二月十一日角木蛟鬼金羊當值之辰起至六月初一日角木蛟鬼金羊當值之辰告成

西藏後記

西藏非佛國也而不可謂非異境全藏所轄六十八城衛地三十藏地十八喀木九阿里十二所謂城者則官舍民居塹山建碣之謂量地小大人衆寡各設宗布木以理民設了布木以理兵民居碣房其游牧之番及蒙古則居黑帳至其衣氊毳食潼酪仰茶忌痘則藏民所同似游牧非游牧似城郭非城郭介居國行國之間是俗一異又有耕藏大營十中營四十有三小營二十有五邊營十有四後藏大營三中營十有四小營十有五每營設官一二以理各番民達賴刺麻所轄寺廟三千百有五十餘所刺麻三十萬二千五百有奇百姓十有二萬千四百三十八戶班禪所轄寺廟三百二十七所刺麻萬有三千七百有奇百姓

六千七百五十二戶

據乾隆二年理藩院造冊

其刺麻稱胡土克圖者

不可勝數皆同土司各轄番民不設官吏僧多于民君并於師介出家在家之間則俗又一異藏地萬峯刺天高輒水凌淫輒燠溽十里殊裘葛其曠坦數百里四山環衛如城無嚴寒無酷暑者惟布達拉一區其土膏衍其人秀好其音華夏故吐番贊普都之以鞭撻四夷抗衡上國而宗喀巴卓錫後數萬里蒙古厄魯特喀爾喀奔走其號令若驅攝于靈奇磅礪之中則天時地利又一異康熙五十九年遣理藩院主事勝住偕刺麻楚爾沁等往圖徽外山川以阿里西三百餘里之岡底斯山為天下大翰宗祖岡底斯者慈嶺之南幹除北條黃河之內而外南條之水若

大小金沙江若瀾滄江若怒江亦作路江若岷江無一不源于西藏者故說禹貢者或以三藏即三危而入南海之江即黑水云布達拉山者華言普陀宗乘也釋典言普陀有三一在天竺南海中一在中國浙江定海一在西藏平地連蠡二峯高百餘丈其一達賴居之其一為高行刺麻靜修之所其達賴所居因山勢邈迤疊甃而成樓十有三重高十六丈七尺有八寸上有金殿三金塔五僧舍萬餘間金玉銀銅佛像無數歷代寶器充牣耀日皆創建于唐時贊普而歷輩達賴與藏巴汗重葺之西殿則宗喀巴遺躡在焉有年足酥油土久而不澆番民所頂禮其刺麻所居一峯即招拉筆洞山顛建寺形如磨盤下瞰藏江山後又有池周四里中壘土而亭其

上高四重瓦以琉璃皮船渡之為達賴刺麻習靜之所拱以羣山

滙以三江即大金沙江上游捍隄三十餘里居民夾岸而

梁其上每歲首諸刺麻聚大招寺諷經畢即共山之東五

里為大小招寺皆唐公主所建西番謂廟曰招猶言大寺

方小寺東向思中土也大招高樓四重殿宇闌干皆銅鑿金左廊有

贊普及公主及白布國王女塑像其內神佛萬計釭酥為

燈殿門外有長慶中唐蕃和盟碑旁有唐柳鬱若龍蚪舊

制藏中有公事則駐藏大臣會諸貝子及大刺麻于大招

寺議之近始議于公署小招寺規制亞之大招寺供釋迦牟尼佛乃唐公

主鑄自中國請來西藏者小招寺所供珠吉多佛其座額書寂默能仁則亦釋迦像也而世俗妄傳大招寺像乃白布國王女成佛小招寺佛即公主侍女成佛直大小招寺委巷之談而西藏記等書皆載其說不足辨也

在喇薩城為西藏諸城之首喇薩者華言佛地也又南七
 里為札什城駐藏漢兵居焉又有白蚌甘丹色臘桑鵝四
 大寺遠近拱挹寺中刺麻多者五千餘次者二三千而甘
 丹寺距布達拉八十里則宗喀巴成道之所有遺塔及所
 坐禪榻以十月二十五日為成道之日而宗角園卡契園經
 園諸勝錯落其間經園者書造具葉梵經頌行各地番僧
 家古僧習學藏經者亦居其間此外諸
 園或為達賴班禪來往停驂飲茶之所遇節期則達賴升坐
 所或在滌湖樹林內為避暑之所
 講甘珠爾經丹珠爾經二經乃西藏大乘
 經之最尊者園聽膜拜千計
 不時赴各大寺講經律遠者歲一至焉達賴所坐豐饗極
 數十重為高座番
 民得其一摩頂一擊
 佛者如不世之遇梵唄徹山谷莊嚴第七寶為西方極
 勝之區而班禪所居札什倫布寺次之距布達拉寺七百
 餘里倚山面江氣

法傳戒亦與布達拉等其大刺麻學道能轉世者則達賴
 班禪印證之得為胡土克圖分掌教化猶華言再來人明
 史所謂尚師也其秩有國師禪師及札薩克大刺麻等號
 分駐各番蒙古部落而皆遙領于達賴班禪其兵刑賦稅
 則有第巴有噶布倫有戴哢有堪布有商上等分掌之西
 藏額設步騎六萬四千步兵居五萬中藏三千騎後藏二
 千騎阿里五千騎稞壩千騎黑帳番蒙古共三千騎臨陣
 惟蒙古騎兵八百頗勇阿里稞壩工布之兵次之其刑有
 番律四十一條甚酷番民病故後所有之財半供達賴刺
 麻半施各寺諷經追薦故國中布施多于賦稅其外夷則
 有西南布魯克二部世傳紅教亦轄五十城四萬餘戶寺

廟百有二十刺麻二萬五千餘天時物產勝西藏頗類中
上南行月餘卽天竺界惟番僧往來漢民罕至也又西南
有巴爾布三部共五萬四千餘戶于雍正間內附乾隆間
并爲廓爾喀其貢皆附西藏以達京師此外番族土司小
部落隸西藏者不可勝數其陝川滇入藏三路惟雲南中
甸之路巖峻重阻止通商販大軍不能入也故軍行皆由
四川青海二路而青海路亦出河源之西未入藏前先經
蒙古草地千有五百里又不如打箭爐內皆腹地外環土
司故駐藏大臣往返皆以四川爲正驛而互市與貢道亦
皆在打箭爐其地高寒乃明正土司所屬爲番夷總匯因
山爲城市并輻輳西三百里逾雅龍江至裏塘卽第六世

達賴之更遠廟也又西數百里至巴塘通西寧西藏雲南
孔道沃野千里四時和煥舊皆西藏地自康熙五十九年
大軍招服番衆故與中甸維四分隸川滇自此以西路百
里至察木多是爲前藏亦西寧西藏川滇綰轂之地又西
數百里逾瓦河雪嶺而至洛隆宗城沿途皆有漢人寺相
傳興三柱所建又西數百里踰丹達而至拉里亦兩經雪
嶺凡藏中雪嶺不一四時水凌其凹處深輒數仞人畜失
足杳無踪跡其巔積雪如城不時隨風飄灑甚于天降行
人舍騎而步以手代足羸牲踣墮白骨載途寒沍噤人飛
走皆絕惟夏秋之際可行然遇夏雪渙洋勢如傾岳縱水
橫潦僕痛馬瘡兼以瘴癘不毛番夷剽奪風日慘澹有冬

無春行役之難于此爲極康熙五十九年滇兵三百營于
瓦河一桂峯下中夜風雪人馬悉僵吁可畏已又西逾烏
蘇江至烏蘇汛始平坦又三百里而至布達拉中藏距打
箭爐共三千餘里故曰西藏非佛國而不可謂非異境也
滇南師範曰著有滇繫中國赴天竺佛國亦有兩道一自雲南
騰越州而南由緬甸城轉西以至東天竺凡三千五百里
再至中天竺又千有六百里共五千有百里一自雲南麗
江而西進藏至東天竺北界二千里又千有二百里而至
中天竺僅三千有二百里視南道徑千有九百里以地望
準之雲南之騰越州正與天竺東西相直止因其間赤髮
野人隔之故一則迂道南行千有七百里至緬甸然後轉

西至東天竺又西北至中天竺檀那國計三千八百里一
則迂道西行入藏然後轉南亦至檀那計三千二百里使
能取道野人徑直西上則免由緬由藏兩迂途而自騰越
達天竺不過千有八九百里野夷若入版圖則與天竺境
壤相接昔漢武開西南夷欲由梁州達大夏偉矣哉西藏
記曰由後藏塞爾地方西南十八程至宗里又八日至白
木戎部落其地北接後藏西接白布南至小西大北界自
小西天界南行十日至其國都布爾牙部落始上海船行
半月至大西天小西天爲東天竺大西天爲中天竺又曰
後藏札什倫布西南與布魯克及白布等部交界白布即
贊普取白布國王女之地布魯克即往東天竺之路也又

一路由阿里西南二千餘里入厄納特珂克即中天竺其中藏前藏東南則以怒江為界江以南即格瑜野人每藏中有死罪則驅之過江聽野人殘之以上西藏記然則怒江南岸逾野夷西境即布魯克部與東天竺近而怒夷自雍正中內附歲輸皮貢於騰越界非不可闢之區則天竺與中國亦非不可接之境惟是東天竺即今南洋孟加臘地久為西洋英吉利所據其地已不興佛教即至其地亦無高僧異典而膏沃殷阜專產鴉片流毒中國誠能募騰越土勇萬人渡怒江而西南長驅擣其背腋通絕域為隣壤實制西夷之一奇或曰大金沙江自藏經緬其入海之口即東天竺界其水濶于大江造舟藏地順流建瓴尤倍捷于

陸然有舟師之便而又有緬夷之梗利害亦遞相當也

乾隆征廓爾喀記

四川雲南之西為烏斯藏烏斯藏之西南為廓爾喀廓爾喀之西南為五印度印度古佛國在葱嶺西南瀕大海去烏斯藏尚遠或以烏斯藏即古佛國者非也自四川打箭爐西行二十餘驛至前藏四十二驛至中藏又十二驛至後藏又十二驛至濟隴又三十驛至石宿堡為後藏極邊地踰橋而西則廓爾喀矣廓爾喀本巴勒布國舊分葉楞部布顏部庫木部于雍正九年各奏金葉表文貢方物後三部吞并為一遂與後藏隣自古不通中國其與中國構兵則自乾隆五十五年內犯西藏始初後藏班禪刺麻以

四十六年來朝祝高宗七旬噉中外施舍海溢山積及班
禪卒于京師資送歸藏其財皆爲其兄仲巴呼圖克圖所
有旣不布施各寺廟與唐古特之兵又擯其弟舍瑪爾巴
爲紅教不使分惠于是舍瑪爾巴憤愬廓爾喀以後藏之
封殖仲巴之專汰煽其入寇五十五年廓爾喀藉商稅增
額食鹽糶土爲詞興兵闖邊唐古特兵不能闕而朝廷所
遣援勦之侍衛巴忠將軍鄂輝成德等復調停賄和陰令
西藏堪布等私許歲幣萬五千金按兵不戰遽以賊感乞
降飾奏而諷廓爾喀酋入貢受封國王廓爾喀旣侮藐內
地次年藏中歲幣後爽約于是廓爾喀以責負爲名再舉
深入後藏札什倫布西南左有曲多江鞏右有彭錯嶺峭

壁連岡咽喉天險賊步卒數千自聶拉木入其時蕃漢官
兵若分兩路一扼曲多江鞏遏其前一繞赴彭錯嶺截其
後則廓爾喀深入無援可不戰潰也駐藏大臣保泰一聞
賊至則移班禪于前藏并請移達賴班禪于西寧欲以藏
地委賊且札什倫布寺負山面江形勢鞏峻刺麻數千乘
墉可守以待援而仲巴呼圖克圖挈貲先逸刺麻濟仲札
蒼等復託言卜諸吉祥天母不宜戰衆心遂潰賊大掠札
什倫布全藏大震兩大刺麻飛章告急侍衛巴忠扈駕熱
河聞變畏罪自沉水死時鄂輝爲四川總督成德爲四川
將軍因盡以罪委之謂巴忠解唐古特語故私議皆其一
人所爲已二人不知也及奉命赴藏勦禦又按程緩進上

知二人不足恃乃命嘉勇公福康安爲將軍超勇公海蘭
察參贊調索倫滿兵及屯練土兵進討其軍餉則藏以東
川督孫士毅主之藏以西駐藏大臣和琳主之齊隴邊外
則前川督惠齡主之賊狃于上年賄和之役半運所掠歸
國半屯界不去鄂輝成德等遂奏賊退欲即以藏事上切
責不許明年二月將軍參贊由青海至後藏四月連敗其
屯界之賊盡復藏地六月遂大舉深入恐賊繞襲後路遣
領隊大臣成德岱森保及總兵諸神保各出左右一路以
分賊勢而大軍出中路海蘭察將三隊爲前軍福康安將
二隊繼之賊據木古拉山阻水拒險將軍議令護軍統領
合斐英阿與賊相持而大軍別趨間道海蘭察繞山後出

賊營之上福康安由間道合衝賊營共克木柵石卡數十
追奔至雍雅而成德諸神保亦克鐵索橋進會利底廓夷
舉國震懾遣使詣軍前乞降將軍參贊嚴檄斥之七月再
進六戰六捷殺賊四千涉賊境七百餘里將近其國都陽
布之地隔河大山賊以十營踞山巖守水深山斗絕山後
即其國都也福康安欲逾橋攻之海蘭察力持不可福康
安自引兵渡橋仰攻果不利賴海蘭察按應退賊方是時
其國境南隣印度之地久爲英吉利屬國與廓夷積釁聞
廓夷受兵于中國則亦出兵攻其邊鄙廓夷兩支強大敵
洵懼無計且恐我軍聞而氣奮也再遣人詣軍卑詞乞哀
將軍參贊議以賊境益險而踰八月即大雪封山不可老

師乃允其降盡獻還所掠藏中財寶及金塔頂金冊印歸前被執之丹津班珠爾等并獻沙瑪爾巴之尸貢馴象番馬樂工請永遵約束班師上本欲俟事平裂其土授諸土司而酬福康安以郡王爵及聞已受降乃允其請留番兵三千漢蒙古兵一千戍藏是爲官兵駐藏之始後藏至廓爾喀故有孔道賊嚴守之故我師覓間道入其峭絕處左壁石湍不容一騎將軍參贊亦時步進故所貢象竟不能達而烏拉嶺上下百二十里必先一日之力踰之稍昏黑即不能覓路且有雪城若門洞深數十丈人往來者不敢語否輒有雪大如屋壓而殛之廓爾喀寇藏時運貨歸國者二千人過嶺凍死殆盡蓋葱嶺之南脊天所以限中西

也險倍金川遠踰回部爲漢唐兵力所未至幸其士卒皆跣足每戰仿古法先約期而後交綏我軍不顧輒先發掩襲往往猝爲我乘自大創以後至今貢獻不絕其國西南與五印度相隣其南海號印度海近日印度之孟加臘及孟買等國爲大西洋英吉利所屬乾隆六十年英吉利使臣入貢自言前歲大將軍率兵至西藏西南之的密部落時彼國兵船亦曾相助倘嗣後有需用西洋兵者情願效力朝廷始知前此廓爾喀之役其南界亦有邊警外患也道光二十年英吉利夷人入寇粵浙廓爾喀亦遣人稟駐藏大臣言小國與里底所屬之地相隣每受其侮今聞里底與京屬構兵京屬屢勝臣願率所部往攻底里屬地以

助天討時駐藏大臣未知所稱里底即英吉利所稱京屬
 即謂中國之廣東省所稱底里屬地即印度答以蠻觸相
 攻天朝向不過問卻之蓋英吉利國都雖遠在大西洋而
 其屬國印度則與廓爾喀接壤世仇構釁故我攻廓則英
 夷乘之我攻英則廓夷亦願助之云
 臣源曰廓爾喀界西藏及鄂羅斯攝兩大國之間故內貢
 中國亦兼貢鄂羅斯近日英夷西與鄂羅斯構兵東與中
 國結釁故廓爾喀欲乘兩大國之勢以攻印度云印度地
 產鴉片烟英吉利關稅歲入千萬計其兵船入犯中國者
 十九皆孟加臘之人誠能聽廓夷出兵之請獎其忠順擾
 彼腴疆擣其空虛牽其內顧使山夷失富強之業成狼狽

之勢亦海外奇烈也鄂羅斯地袤二萬里與中國首尾相
 接地大兵強西洋所畏其與我互市之地則有陸而無海
 英夷之與我互市則又有海而無陸近日鄂羅斯屢與英
 夷爭達達里之地其地橫亘南洋鄂羅斯得之則可以圖
 并印度故與英夷連年血戰雍正五年俄羅斯攻取西藏
 西南五千里之務魯木以其
 地尚佛教遣人至中國學刺若能許鄂羅斯海船赴粵貿
 麻當即與廓爾喀相近之地
 易聯絡爾利堅佛蘭西等國皆英夷仇敵則英夷之兵船
 不敢舍其境而遠犯中國英夷在印度大兵船止百艘以
 其半入寇中國其餘皆分守各
 境不敢遠離恐夫以夷攻夷之效恐見首視為迂圖乳隆
 嘉慶間一封暹羅遂足以西制緬甸東制安南善奕者或
 一間著而全局皆生况以宅中馭外之勢制讐釁四結之

夷哉

廓爾喀附記

大海南洋曰印度海與後藏緬甸相隣而廓爾喀貫其中其隣廓夷之孟阿臘則東印度也再西南之孟邁則南印度也溯印度河北上為温都斯坦則中印度也温都一作興都一作浪都即印再北為克什彌爾古屬賓國則北印度也印度之音轉可西岸凡巴社各白頭回國則西印度也白頭即其國皆在葱嶺西南接中國西域近日西洋英吉利自稱管理五印度孟惟北印度未為所據其東西兩印度各有少半而中南二印度則幾盡并于英夷此皆近日事也方康熙雍正間英夷僅據有孟阿臘孟邁二埠未窺印庭全境而鄂

維斯亦方與西北普魯社構兵未遑南牧凡葱嶺以西瀕地中海東岸皆統于天方之回教故乾隆中西域甫平温都斯坦尚與巴達克山構兵雖旋為愛烏罕所并愛烏罕即古大月亦回教非西洋教及乾隆嘉慶以來鄂羅兵由黃海及服黑海各部又日沿裏海南侵而英吉利亦吞并温都斯坦浙印度河北上于葱嶺以西自布哈爾愛烏罕諸大國外凡近裏海之游牧回部號韃韃里者皆并于鄂羅斯凡夾印度河及南洋之城郭回闕半屬于英吉利矣裏加士比噲海亦名死海亦名鹹海亦名北高海明史謂游牧之蒙古曰韃韃西洋人謂游牧之回部曰韃韃皆音近其英鄂二境之中尚隔有數回國彼此各距數百里及道光十九年温都斯坦北境有阿付顏尼部者與沙蘇野部

相攻沙蘇野酋請救于英吉利英吉利遂起各印度駐防
 之兵攻滅阿付顏尼部阿付顏尼酋亦走愬于鄂羅斯鄂
 羅斯復起駐防韃韃里之兵南攻巴社取機注取木哈臘
 欲恢復阿付顏尼部以直攻印度英吉利兵據險力拒于
 是英鄂二邊境倖隔興都哥士一大山而血戰無虛日矣
 與都即印度二字音轉蓋阿付顏尼及沙蘇野二部皆在
 山界北中二印度之間是山之南機注及木哈臘皆在是山之北而沙蘇野之部
 落亦有軼出山北者是為英鄂交惡之由與交兵之界沙
 蘇野王以道光十八年為阿付顏尼破走投援印度時英
 吉利鎮守印度之大兵帥曰副兵帥曰沙機尼遂
 于十九年七月起孟阿臘孟邁温都斯坦三部之兵使沙

機尼將之而沙蘇野酋自以所部兵嚮導時阿付顏尼酋
 自都于加模爾城遣其次子以兵三千五百守牙尼士城
 長子以兵數千守加布爾城牙尼士城本險固于其城門
 前復增重濠重墻守禦甚固英吉利軍先營近郊誘戰不
 出乃督馬礮軍駱駝礮軍步礮軍三路進攻此三軍謂以駱駝以駱駝以駱駝
駱駝以駱駝以駱駝又開天礮擊之天礮者仰空發礮飛墮城中遂
 偪城而營并以兵扼加布爾援軍之路阿付顏尼酋遣其
 長子領千五百騎步兵三千由加布爾城赴援夾攻後路
 為沙蘇野部兵擊退次日遂會各營專攻城門更番迭進
 城內兵亦死力鏖戰既而天礮從空雨下城中震虜爭潰
 遁凡二晝夜拔其城禽其次子乘勝兩路進攻加布爾城

阿什顏尼酋同其長子率兵萬有三千守格麻關而軍士
奪氣望風解體父子率三百騎走保麻緬棄芻糗火礮輜
械山積英吉利遂據二城遣沙蘇野王復國酌留歐羅巴
兵溫都斯坦兵及阿什顏尼新降兵助守其地此英夷侵
北印度之事也阿什顏尼既遁麻緬則遣使乞帥于鄂羅
斯鄂羅斯鎮守韃韃里之兵帥久豔東南印度之富特隔
于各回部至是乘各部自鬪謀由巴社以圖印度巴社者
回回祖國即來粵貿易之白頭番所謂港脚者也舊屬于
英吉利故英吉利兵帥曰律屋蘭者以兵助巴社拒之鄂
羅斯復以收取逃奴為名襲破機洼及木哈臘二部皆游
牧回子之近阿什顏尼者又攻取沙蘇野所屬三部落之

在與都哥士山北者遂駐兵荷薩上河與英吉利中印度
接界并使人習印度法律語言又購木哈臘人嚮導無一
日忘印度而英吉利亦嚴兵阿什顏尼界為備且議還阿
什顏尼酋于故地以息外構而增藩蔽議未定而廣東之
事起是年大清怒西洋鴉片烟之耗蠹中國欽差大臣赴
廣東嚴禁鴉烟并罷英夷互市聲其罪惡布告諸國諸國
如佛蘭西彌利堅讐英夷者咸稱快廓爾喀亦白駐藏大
臣願所部兵攻東印度又傳聞鄂羅斯使臣已自比革爾
起程比革爾乃鄂羅斯東藩屬也與喀爾喀蒙古相近赴北京約中國兵由緬甸
西藏夾攻印度事雖未行而英夷則惴惴甚或欲乘鄂羅
斯使臣未至京之前速行入寇或料中國疑鄂羅斯更甚

于疑他國未必遽信其言是時南洋西洋諸國聞羅市之信各埠茶葉大黃皆不肯售踊貴價倍而英夷國中織烟價罷關稅各缺銀千餘萬員諸銀肆皆不肯出貸銀價後翔貴借貸隣國銀肆數百萬充兵餉而癩利堅佛蘭西先後在粵諸助兵船爲中國效力亦屢見于粵中督撫及將軍之章奏事則可徵也時則可乘也前記中以夷攻夷之議尙或迂之而不察故復述是篇而以澳門探報附其後臣源曰由近事溯之乾隆則準酋阿睦爾薩納之來投請兵也盈廷喙呶獨高宗排羣議用之遂一戎衣而定伊犁矣土爾扈特之棄俄羅斯來附也盈廷喙呶拒獨高宗排羣議受之并移檄鄂羅斯剖明曲直卒盡臣瓦刺四大部矣

由近事溯之康熙則俄羅斯所部東徧黑龍江聖祖附書荷蘭轉達鄂汗海道往還半載得報遂擴索倫地數千里矣準噶爾請援兵六萬于鄂羅斯聖祖移書宣示利害絕其糾約噶爾丹敗無可投卒潰竄死矣聖祖籌運于廊廟之間而指麾使于數萬里之外豈不在識夷情洞敵勢哉西藏一陷于準噶爾再陷于廓爾喀彼時氛惡燄熾孰不畏道遠勞師而兩朝深維利害不惜采入撻伐恢域犁庭是以北懾准夷西震印度奕世而後尙有願效馳驅之廓夷夾攻印度之鄂部請助海艘之島國待我驅策同我敵愾故曰天下有道守在四夷此擊則彼應威立則令行事會之來聞不容髮哉

附錄澳門月報即所謂新開紙也

道光二十年七月澳門接印度五月十四日來信即中
三月十論及鄂羅斯欲攻打印度之事蓋我英國之印度
兵攻取興都哥士山在巴南邊各部落而鄂羅斯邊境
在此山之北三年前尚有回教四五國百隔英吉利與
鄂羅斯屬國之間各遠數百里今止隔一大山而已鄂
羅斯近日直攻至韃韃里之機注韃韃里調游牧回部
類東起葱嶺西至裏海南界印度北界鄂巴因我等攻
羅東起葱嶺西至裏海南界印度北界鄂巴因我等攻
取阿付顏尼部此部原屬巴巴社今為英吉利所據在
鄂羅斯人亦攻至荷薩士河韃韃里地已約木哈臘亦
韃里南方部落同取阿付顏尼部以攻打印度為我英
近阿付顏尼

國兵頭沙阿力山及馬約里治堵禦故計不行鄂羅斯
前在希臘巴社國東方部與巴社人立約欲收服阿付
顏尼以攻取印度亦因我兵頭律屋蘭所拒巴社即白
抵海西界都魯後詭稱收回逃散奴僕突攻取機注及
機北界韃韃里木哈臘人皆謂鄂羅斯既得此二地當必退兵乃又日
日使人學習印度事務又與木哈臘人立約同取阿付
顏尼不知鄂羅斯人要到何地方肯住乎現聞鄂羅斯
使者已自比特革起程由韃韃里到中國此韃韃里謂
蓋凡游牧部皆必憊憊中國人與英國爭鬪并欲得北
謂之韃韃也京出諭與緬甸人使前來攻擊不知何時使臣能到得
北京我等切不可閉目不理鄂羅斯人曾以兵威自黃

海攻至黑海一帶地方以廣其國境所以今日必要隄防其在荷薩士河駐札之兵前來攻擊倘我將阿付顏尼防兵撤回則鄂羅斯人必帶領木哈臘之兵同攻阿付顏尼矣我等今年若將阿付顏尼之至復立于加拔爾城阿付顏尼舊都即應帶兵過興都哥士大山取回沙蘇野所失去之三部落一曰哀都斯一曰麻爾格一曰摸特散皆在阿付顏尼之北木哈臘之南然我兵到彼必定遇鄂羅斯兵與木哈臘兵約會夾攻我兵我兵恐即擾亂而回亦或與鄂羅斯人相持大抵英鄂二國在阿細亞洲交戰之事不久即至我等宜先預備出兵矣

他山之石卷一終

